

NATOLIA, SIVE ASIA MINOR. 8

REGIO hæc totius Asiæ veluti ingens est promontorium in Mare Mediterraneum ex Oriente in Occidentem versus Thraciam & Græciam proiectum. Asia minor appellatur ad discretionem Asiæ vniuersalis. ipitio tamen solius Asiæ appellationem habuit, ac prima est terra ad quam ex Europa traicientes appellunt. Hodie Natoliæ ipsi nomen familiare est, & à Boreali parte ponto clauditur Euxino; ab Occidentali, Hellesponto, Propontide, Aegeo, & Icario Maribus; à Meridionali, Mari Magno, quod in angulo isto versus Orientem, vbi in Meridiem Hierosolymitanam urbem perentibus diuertendum est, sinum Isicum efficit. Tam est capax vt pulcherrimarum prouinciaram non paucas comprehendat, veluti Bithyniam, Pontum, Phrygiam, Mysiam, Lydiam, Ioniam, Cariam, & in capite Libonotum Peninsulam haud exiguam Doridem, inde Lyciam, Pamphiliam, Pisidiam, Galatiam, Paphlagoniam, Cappadociam, Lycaoniam, Ciliciam, & Armeniam minorem quæ à maiori in Orientem sita per Euphratem diuiditur, totius Asiæ fluiuium maximum, qui maiorem quoque Asiam à minori discernit Bithynia è regione Constantinopoleos sita, multas olim celebratissimas habuit vrbes, Niceam, Chalcedonem, Heracleam, Prusam quam hodie Bursam & Byrsam vocant, ac Turcici Imperatoris in Asia sedes est, Nicomedia, & Apamia. Famosissima harum omnium est Nicea, ob Conciliū Anno Christi 324. per Constantinum Imp. ibidem celebratum: conuenerant ibi 318 Episcopi, qui vnanimiter Arrianum dogma condemnarunt. magna olim & egregia fuit vrbs, quatuor completens stadia, vt quadrangula, ita quatuor saltem portas habens. In Chalcedone simile fuit 530. Episcoporum Concilium. Byrsa, quæ trium quatuorue dierum itinere à Constantinopoli distat, Turcicorum Imperatorum sepulchris decorata est: vrbs est perpulchra, vbi circum Templum sacella aliquot stant, in quibus magnifica dictorum Imperatorum conspiciuntur sepulchra, quibus singulis aureum impositum est candelabrum cum lumine continuo: superius verò lampadum ardentium numerosus circulus: eorumque Religionis duodecim constituti sunt sacrifici, quos à viridibus pileis quibus teguntur Talets menlari sua lingua vocant: hi continuis precibus noctu dieque vacant, & terni per vices, suas seruant horas. Phrygia per Troianæ vrbs vastationem immortale sibi nomen comparauit. post quam illusterrimorum heroum haud pauci qui in ea supermanserant, in diuersas Europæ partes dispersi, nouas vbiq; gentes produxere. In Ionia Ephesus sita est, quæ regni Dauidis anno 33. ab Androcho Cordri Regis filio condita est. in hac Amazones magnificentissimum istud Dianæ templum extruxerunt, de quo in Actis Apostolorum legimus, ideoque & inter septem Mundi miracula numeratum est. loco stetit paludinoso, ne à terræ motibus periculum sibi metuendum esset, in medio vrbs situm. in extruendo eo annos ducentos & viginti insumerunt Asiani: longitudo eius pedum erat 425 steterantque in eo columnæ 227. à Regibus eò positæ, magnaque præditum fuit libertate, ac tantus denariorum aceruus eò deportabatur à Regibus, vrbibus, ac populis, vt similes diuitiæ nusquam terrarum reperirentur. tandem sub Galieno Imp. ab Erostrato quodam turpi furcifero nominis saltem acquirendi gratia (cùm virtutibus suis id nequiret) incendio absumitur. in hac vrbe & Ioannes Euangelista obiit. Lydia, quæ & Meonia dicitur, inter omnes Natoliæ prouincias feracissima est, abundat enim vite, melle, ac croco, sardin habens metropolim. Fuit in ea & singulare quoddam Regnum, quod Cyrus Perfarum

Rex sibi



Rex sibi subiecit, postquam diuitem illum Cræsum deuicit In eadem hac prouincia
 duodecim vrbes, tempore Tyberij terremotum concidere. Habuit & Myſia vrbes
 quasdam celebres, Scepsin, Adramitium, Appolloniam ad Rhindacum aquam, Trai-
 nopolim, Pergamum, &c. Ad Cariam, quæ ad isthmum eius sita est, Doris peninsu-
 la spectat Halicarnassus vrbs, Herodoti historici patria est, in cuius locum Rhodien-
 ses equites ante annos aliquot propugnaculum aduersus Turcam extruxerunt. in
 huius territorio olim extiterunt: Trœcene, Nisa, Laodicea, Antiochia, ad Meandrum
 fluium. Laodicea à crebris terremotibus plurimum perpeſſa est, sicut & Philadel-
 phia, Sardis, ac Magnesia. In causa est, quod in hisce locis cauernæ quamplurimæ sint
 subterraneæ, quæ hiatibus ac vaporibus repletæ, vbi exitus nullus patet agitantur ac
 commouentur, donec aliquando vi erumpant, tanta importunitate ac violentia, vt
 duorum aut trium miliarium spacio terra contremisecat: siquæ prope urbem aliquam
 eruptio hæc contingat, facile eam concidere compertum est. Si verò prope lacum a-
 liquem accidat, penitus is absorbetur. In hac prouincia ad Petram urbem olim vige-
 bat Rex Mausolus, cui defuncto Artimesia vxor sepulchrum extruxit adeo magnifi-
 cum vt inter septem Mundi miracula numeraretur, cuius etiam nū reliquæ aliquot
 in Halicarnasso conspiciuntur. Licia olim sexaginta habuit vrbes, bellis tamen & ter-
 ramotibus interiëre. in hac Chimera conspicitur, mons noctu flammiuomus, quem-
 admodum Aetna in Sicilia. ad medium montis terra est admodum frugifera & pas-
 cuis fecunda: ad pedem verò eius serpentum mira colluuiet. In hac prouincia Tau-
 rus mons initium sumit, qui totam per medium secat Asiam, sicuti Alpes Europam
 & Atlas Africam. Pamphilia tota montosa est, pascuis tamen amœna, nec minus fru-
 gifera. In Cilicia Tarsus est, hodie Terrassa dicta, diui Pauli Patria, tamquæ celebri an-
 te Christi quoque tempora floruit Academia, vt in Philosophia Athenienses &
 Alexandrinos longe superarit. Tandem ex Natolia hac Turcæ sub O-
 thomanno originem sumit traxere, ex quo cæteri Tur-
 carum Imperatores ad modernum vsque
 Mahumeten nati sunt, contigit id an-
 no Christi 1300.

